

Քե՛հ հարցապնդման հեղինակները, թե՛ նրանց համակիր ուուս պատգամավորները կովկասյան իշխանությունների հանցավոր անտարբերությունը մերկացնող ելույթներ ունեցան:

Դումայում ընթերցվում էին ջարդերով բռնված վայրերից պատգամավորների հասցեով ստացված բազմաթիվ նամակներ, հեռագրեր, թղթակցություններ, միջնորդություններ ու աղերսագրեր: Կառավարության կենտրոնական և տեղական ներկայացուցիչների դայրացուցիչ վարքի մասին բավական պերճախոս փաստեր հրապարակ հանվեցին: Հարցապնդման մասնակիցները բազմաթիվ փաստեր բերելուց հետո պահանջում էին ընդամենը՝ դումայի մեծամասնության կողմից ընտրված և նրա առաջ պատասխանատու կառավարություն⁵³:

Հիրավի, որքան էլ խիստ ճառեր արտասանվեցին Տավրիկյան պալատում, այնուամենայնիվ ինչպես հայ, այնպես էլ նրանց համակիր մյուս պատգամավորները չէին կարող ժողովրդի իսկական ցավերի, նրա իղձերի թարգմանը հանդիսանալ: Նրանց հիմնական պահանջը ոչ թե իշխանության տապալումն էր, հասարակական-քաղաքական իրավակարգի վերացումը, այլ նրա մեղմացումը, քաղաքականության փոփոխումը՝ հեղափոխական շարժումները թուլացնելու և ռեֆորմների իրականացումն ապահովելու համար:

Սակայն Դումայում զրսեռվում էին նաև իսկական օպոզիցիոն տրամադրություններ: Դրանց արտահայտիչները համառուսական գյուղացիության շահերի պաշտպանությամբ հանդես եկող գյուղացիական պատգամավորներն էին, որոնց ելույթները հողի և ազատության համար խիստ վախճցրին ցարին և հուլիս ամսին արգեն կառավարությունը որոշեց խլացնել նրանց ձայնը՝ կարգադրելով ցրել Պետական դուման:

5. ԳՅՈՒՂԱՑԻԱԿԱՆ ԵԼՈՒՅԹՆԵՐՆ ՈՒ ԶԻՆՎՈՐԱԿԱՆ ՀՈՒՋՈՒՄՆԵՐԸ ՀԱՅԱՍՏԱՆՈՒՄ 1906—1907 թթ.: ԳՈՐԾԱԴՈՒՂԱՑԻՆ ՊԱՅՔԱՐԸ 1907 ԹՎԱԿԱՆԻՆ

1906—1907 թթ. Հայաստանում տեղի ունեցան մի շարք գյուղացիական ելույթներ, որոնք, ինչպես և նախորդ տարիներին, ամենից ուժեղ արտահայտվեցին Լոռիում:

Հաղպատը, որ Հայաստանի ամենահեղափոխական գյուղն էր, շարունակում էր օրինակ ծառայել մյուս գյուղերի համար: Այդ «գլխացավանքից» ազատվելու նպատակով իշխան Բարաթովը 1906 թ. սկզբներին Հաղպատում ունեցած իր հողերը մոտ 200000 ռուբլով վաճառեց հայտնի կապիտալիստ միլիոնատեր Արամյանցին⁵⁴: Գյուղացիների ելույթները կանխելու և ընդհանրապես նրանց «հողային անկարգությունների» վերջ տալու համար Արամյանցը Հաղպատում ավելացրեց ռուսիկանական պահնորդների թիվը:

Սակայն հեշտ չէր ընկճել հաղպատցիներին, որոնք անցել էին պայքարի

53 Տե՛ս «Государственная дума первого созыва. Стенографические отчеты». Сессия I, т. II, СПб., 1906, стр. 1231—1236.

54 Տե՛ս «Մշակ», 1906, № 58:

երկարատև ուղի, ի պատասխան կալվածատիրոջ բռնությունների, գյուղացիները տեղական սոցիալ-դեմոկրատական կազմակերպության ղեկավարությամբ հուլիսի սկզբներին հավաքվեցին միտինգի և միահամուռ կերպով որոշեցին. 1. Հաղպատից անմիջապես հեռացնել Արամյանցի պաշտոնյաներին, նրանց փոխարեն ընտրելով իրենց միջից երկու մարդու, գյուղում կարգը պահպանելու համար, 2. Անտառից շինափայտ և վառելիքայտ կտրել անվճար, 3. Կարկուտի հետևանքով առաջացած վնասի պատճառով հրաժարվել կալվածատիրոջը վճարելու արտի բերքի նախատեսված մասը: Տեսնելով գյուղացիների վճռականությունը, Արամյանցի կառավարիչը ստիպված համաձայնվեց առաջադրված պայմաններին:

Գյուղացիները կազմակերպված միջոցների դիմեցին նաև Ալեքհանտ գյուղում: 1906 թ. օգոստոսի 19-ին նրանք Բորչալուի սոցիալ-դեմոկրատական բոլշևիկյան կազմակերպության ղեկավարությամբ որոշեցին վերջ դնել կալվածատիրոջ չարաշահումներին: Դրա համար ալեքհանտցիները համապատասխան ժողովում վճռեցին բռնի կերպով վերցնել այն արտադրյալները, որոնց համար վճարված էր կալվածատիրոջը, և այնտեղ արածացնել իրենց անստույնները: Որոշում հանելուց հետո գյուղացիները անցան դրա կենսագործմանը:

Լոռու գյուղերում դաշնակցության ազդեցությունը շատ թույլ էր: Դաշնակցականներն իրենց «գաշտային դատարաններով», «ինքնապաշտպանության» ջոկատներով, «ահաբեկումով, տուգանքներով և հազար ու մի այլ արարքներով վերջնականապես զղվեցրել էին գյուղացիներին: Նրանք ամեն մի գյուղի վրա 3—4 հազար ռուբլու հարկ էին նշանակել «ազգի կարիքների» համար և բացի կալվածատիրական ու պետական ճնշումից, գյուղացիությանը ենթարկում էին նաև «ազգային բարեգործական» շահագործման: Այդ պատճառով էլ գյուղում զնալով թուլանում էր դաշնակցականների և ուժեղանում՝ բոլշևիկների ազդեցությունը: 1906 թ. սեոթ խոսքը» գրում էր. «Հայ գյուղացին միայն մոտենալով սոցիալ-դեմոկրատներին, — այժմ հասկացավ, որ միմիայն իր և բոլոր ճնշվածների պաշտպանը սոցիալ-դեմոկրատիան է»⁵⁵:

Գյուղում սոցիալ-դեմոկրատների ազդեցության ուժեղացման և դաշնակցականների դիրքերի թուլացման փաստերը նկատել էին նույնիսկ ցարական պաշտոնյաները. «...Թիֆլիսի նահանգի գյուղացիությունը (Լոռու տեղամաս) խիստ հուզված է պրոպագանդիստների ազդեցության տակ, որոնք աշխատում են ներշնչել, որ իրենք թագավորի կարիք չունեն, իսկ բոլոր կալվածատիրական հողերը հարկավոր է բռնագրավել...»

Արդեն հիմա բնակչությունը դժգոհում է «դաշնակցություն» կազմակերպության ղեկավարությունից»⁵⁶, — գրված էր ոստիկանական խուզարկուի զեկուցման մեջ:

Ինչպես այլ վայրերում, այնպես էլ Լոռիում, կար դաշնակցության «լիազոր», որն իր իշխանությունը գյուղացիների վրա պահպանում էր բռնի ուժով ու զենքով: Հատկապես կատաղի պայքար էին մղում դաշնակցականները սոցիալ-դեմոկրատների դեմ, որոնք ամեն քայլափոխում մերկացնում էին նրանց:

Գյուղացիական ելույթները ճնշելու համար ցարական իշխանությունները

⁵⁵ «Նոր խոսք», 1906, № 21:

⁵⁶ ՎՍՄԷ ԿԳՊԱ, ֆ. 7, գ. 8, թ. 4:

բռնությունների հին մեթոդներին ավելացրին նոր ձևեր՝ սկսեցին անխնա տուգանքներ նշանակել գյուղացիների վրա: 1906 թ. սկզբներին Կովկասի փոխարքային ներկայացված հաշվետվության մեջ մեծագույն գովեստով էր խոսվում գեներալ-լեյտենանտ Յացկելիի մասին, որը Նրևանի նահանգի կառավարման շրջափառների ընթացքում 31.718 ռուբլու տուգանք էր նշանակել «հանցապարտ»՝ համայնքների վրա՝ չհաշված անհատ անձնավորությունների տուգանումը»⁵⁷: Գյուղացիների զրկանքների ու տառապանքների վրա ավելացող այս նոր ճնշումը կատարյալ քայքայման էր հասցնում նրանց:

Գյուղացիական ելույթները շարունակվեցին նաև 1907 թ.: Ութգնորեն արտահայտվեցին դրանք դարձյալ կոռուցում և ուղղված էին շահագործման ինչպես ֆեոդալական, այնպես էլ կապիտալիստական ձևերի դեմ: 1907 թ. փետրվարին Քիֆլիսի նահանգապետի գրասենյակից Բորչալուի գավառապետին կարգադրություն արվեց միջոցներ ձեռնարկել Գարբազ գյուղի բնակիչների դեմ, որոնք բռնի կերպով խլել էին Ջալալօղլիի հայտնի հարուստ Եզոր Զալարովի գոմեշները և օղեթորման սարքերը: 1907 թ. մարտին Գյուլագարակ գյուղի բնակիչները հրդեհեցին իրենց համագյուղացի Խաչատուր Շահինյանցի խանութը և ավերեցին նրա այգիները: 1907 թ. մարտին իշխանուհի Բարաթովան նորից բողոքեց Գյուլվինոյի գյուղացիներից, որոնք ինքնակամ կտրում էին նրա անտառները և օգտագործում իրենց կարիքների համար: Այդ կապակցությամբ նահանգապետի անունից գավառապետին առաջարկվում էր. «...ամենաեռանդուն միջոցների դիմել, փայտի հափշտակումն անտառից դադարեցնելու համար»⁵⁸:

Այդ տարիներին հայկական գյուղերում ծավալված հեղափոխական շարժումները ի նկատի ունեն Ս. Սպանդարյանը, երբ գրում էր. «Միջան մենք կարողացանք ծանոթանալ հայկական գյուղերի և նրա դրությամբ հետ, մենք եկանք այն եղրակացության, և հաստատ համոզման, որ ագրարային շարժման համար հարուստ հող կա և իսկապես հեղափոխական և իսկապես սոցիալիստ կուսակցությունը շատ գործ կարող է կատարել այնտեղ»⁵⁹:

Ռուսական առաջին հեղափոխության տարիներին Հայաստանում ագրարային ակտիվ ելույթներին զուգահեռ, գյուղացիները շարունակում էին պայքարը նաև պասսիվ եղանակներով, որն արտահայտվում էր զլխավորապես խնդրագրերի ու գանգատների ներկայացնելու մեջ: Այդ խնդրագրերի հիմնական միտքը՝ հողաբաժնի ավելացման, հարկերի պակասեցման, կալվածատերերի բռնություններին վերջ տալու պահանջներ էին: Այդպիսի բովանդակությամբ բազմաթիվ դիմումներ էին անում Ալեքսանդրապոլի, Շարուր-Դարալագյազի, էջմիածնի գավառների, Կարսի մարզի և այլ վայրերի գյուղացիները⁶⁰:

1906—1907 թթ. ընթացքում հեղափոխական ելույթներ տեղի ունեցան նաև զինվորների շրջանում: 1906 թ. մարտին Քիֆլիսի կայազորի միջգրեյան զնդի զինվորներն ապստամբություն բարձրացրին, որը ճնշվեց, իսկ նրա ղեկավարներից 27-ին զինվորական իշխանությունները մահվան դատապարտեցին: Այդ լուրը մեծագույն վրդովմունք առաջացրեց Քիֆլիսում: Ի պաշտպա-

57 Նույն տեղում, ֆ. 1, գ. 83, ք. 12—13:

58 Նույն տեղում, ֆ. 34, գ. 570, ք. 12, 15, 63:

59 Սուրեն Սպանդարյան, *Նրկեր*, հ. 1, էջ 129:

60 Տե՛ս А. С. Амбарян, Развитие капиталистических отношений в армянской деревне (1860—1920), Ереван, 1959, стр. 336:

նություն հեղափոխական զինվորներին, քաղաքում տեղի ունեցան զործադուլներ և բողոքի ցույցեր, բոլշևիկյան կազմակերպությունները բազմաթիվ թուոցիկներ տարածեցին, որոնց մեջ կոչ էր արվում պաշտպանել զինվորներին ցարական վալյազ դատաստանից:

Մինգրեցիների դատավորության լուրը ալեկոծեց նաև Հայաստանում գտնվող զորամասերին: Հունիսի 25-ին ուժեղ հուզումներ տեղի ունեցան հատկապես Ալեքսանդրապոլի մոտ գտնվող սակրային բրիգադի ճամբարում: Զինվորները որոշել էին ամեն գնով պաշտպանել իրենց եղբայր-զինվորներին: Չնայած սպաների արգելքներին և սպառնալիքներին, նրանք հավաքվեցին միտինգի, որից հետո առաջին գումարտակը, հեղափոխական երգեր երգելով և «ուռա» բացականչություններով գնաց երկրորդ գումարտակի զինվորներին մոտ, նրանց էլ համակելով իրենց տրամադրությամբ:

«Երբ մենք մոտեցանք, մեր բազմությունից, կամ գուցե առաջին գումարտակից,— գրված է հետագայում հարցաքննության ենթարկված զինվորներից մեկի ցուցմունքներում,— լավեցին ձայներ «Կորչեն սպաները»: Բազմության թիվը հասնում էր 500—600 հոգու, միայն մեր գումարտակից, չհաշված առաջին գումարտակի մարդկանց, որոնք գտնվում էին գծամասում:

Երբ բազմությանը մոտեցավ երկրորդ գումարտակի հրամանատարը, զինվորները դադարեցրին աղմուկը և հետ քաշվեցին, այն ժամանակ լավեցին ինձ անձանոթ զինվորներից մեկի ձայնը, որը ասում էր. «Ընկերներ, ինչու լռեցիք, ինչու հետ քաշվեցիք, չէ որ մենք ոչինչ վատ բան չենք անում, մենք որոշեցինք միայն խոսել «մինգրեցիներին» մասին»: Հրամանատարը հարձակվեց նրա վրա և բռնեց, սակայն զինվորներն ազատեցին նրան հրամանատարի ձեռքից: Բարձրացավ աղմուկ-աղաղակ, հրմշտոց: Սպաները զոռում էին՝ «ցրվեցեք, հիմա մյուս զորամասերից կգան զինվորները և ձեզ բոլորիդ կգնդակահարեն»: Զինվորների շարքերից լսվում էին բացականչություններ՝ «ի զեն»: Երկրորդ գումարտակը շտապեց իր մոտ, ճամբար և գնաց դեպի զինապահեստը: 15—30 րոպեի ընթացքում բոլոր հրացանները վերցվեցին... Մի ժամ հետո մարդիկ, արդեն զինված, շարժվեցին դեպի առաջին գումարտակը...»⁶¹:

Սակայն ապստամբած զինվորները չձերբակալեցին իրենց պետերին, դուրս չեկան ճամբարից՝ Ալեքսանդրապոլի կալազորի այլ զորամասերի հետ միասնալու համար, այլ զենքերը ձեռքներին անգործության էին մատնվել: Զինվորների բարեհոգությունից և անկազմակերպածությունից անմիջապես օգտվեց հրամանատարությունը, որը գիշերը պաշարել տվեց ճամբարը զորական այլ միավորումներով, Հաջորդ օրը արթնանալով, սակրավորներն իրենց տեսան շրջապատված և այլևս ոչինչ չկարողացան ձեռնարկել, ուստի և հանձնվեցին: Իշխանությունները մոտ երեսուն զինվորի՝ որպես այդ ելույթների «զրգախներ», ձերբակալեցին: Սկսվեց դատական հետաքննությունների մի երկարատև շրջան, Ալեքսանդրապոլում տեղի ունեցած դեպքերի մասին անմիջապես տեղեկացրին ոչ միայն Կովկասի փոխարքային ու ռազմական միևնիստրին, այլև զեկուլագիր զրվեց Նիկոլայ II-ին:

1906 թ. հուլիսին կոռու Գյաուգյաու գյուղում տեղավորված հրետանավորներն անհնազանդության ցույց արեցին՝ հրաժարվելով հնձել պետական խո-

⁶¹ «Революционное движение... (Сборник)», стр. 359, 362

տատնողները։ Նույն թվականի հուլիսին հուլուսներ սկսվեցին Ալեքսանդրապոլում գտնվող Բաքվի 153-րդ գնդի հետևակայիների մեջ, որոնք պահանջում էին դադարեցնել կազակների բռնություններն իրենց ընտանիքների նկատմամբ։

Այդ տարիներին Երևանի գորամասերում ևս հեղափոխական աշխատանքներ էին տարվում։ Այսպես, 1906 թ. հուլիսին զինվորներին պրոկլամացիաներ բաժանելու համար ձերբակալվեց ՌՍԴԲԿ Երևանի բոլշևիկյան կազմակերպության անդամ Վ. Բաղդասարյանը և հանձնվեց դատական իշխանություններին⁶², 1906 թ. օգոստոսին Երևանի փոստում ստացվեց գաղտնի գրականություն, որը նախատեսված էր զինվորների մեջ տարածելու համար։ Այդ կապուցը, որ ընկալվեց փոստիկանության ձեռքը, պարունակում էր համառոտական զինվորական միութայն «Ընկերներ», Թիֆլիսի կայազորի «Զինվորներ» կոչված, բանակին ու նավատորմին ուղղված «Մանիֆեստը» և բազմաթիվ այլ թուղթիկներ⁶³։

1907 թ. հեղափոխությունը* թնայեա և գնում էր դեպի անկում, բայց ինչպես Ռուսաստանի այլ շրջաններում, այնպես էլ Հայաստանում տեղի ունեցան մի շարք գործադուլներ։ Հունվար և մարտ ամիսներին համեմատաբար մանր գործադուլներ եղան Երևանի ու Ալեքսանդրապոլի ձեռնարկություններում, տպարաններում և այլն։ 1907 թ. Հայաստանում ծավալված գործադուլներից ամենախոշորը մարտի վերջին Ղափանում բռնկված հանքագործների գործադուլն էր։

Ղափանի պղնձի հանքերի և գործարանների բանվորներն ամենատարգի շահագործման էին ենթարկվում։ Քանվորների կենցաղային և վարձելու պայմաններին մոտիկից ծանոթանալով, ակնհայտ է դառնում, — ստիպված էր խոստովանել նույնիսկ բուրժուական «Բաքու» թերթի թղթակիցը, — վերջիններիս ծանր դրության պատկերը։ Կան բանվորներ, որոնք օրական ստանում են 15 կոպեկ⁶⁴։ Ապահովված չէր նաև բանվորների կյանքը հանքերում տեղի ունեցող հանախակի փլուզումներից։ Մինչև 1907 թ. Ղափանում բանվորները մի քանի անգամ ելույթների փորձեր էին արել։

1907 թ. սկզբներին Բաքվից Ղափան տեղափոխվեց մոտ 50 բանվոր, վերջիններս էլ հենց կազմակերպված ընույթ տվեցին Ղափանի հանքագործների մեջ տեղի ունեցող խմորումներին։ Դրանց մեծ մասը տեղացիներ էին, տարիներ ատաջ ապրուստի միջոց հայթայթելու համար արտագնացության դիմած գյուղացիներ, որոնք անցնելով հեղափոխական պայքարի բովով, վերադառնում էին հայրենի վայրերն արդեն որպես կազմակերպված բոլշևիկներ։ Բանվորները, որոնց գործուղել էր Բաքվի բոլշևիկյան կոմիտեն, իրենց հետ բերել էին անլեզալ գրականություն՝ գրքեր, թերթեր, պրոկլամացիաներ։

Նախապատրաստական որոշ աշխատանքներից հետո, մարտի 26-ին՝ երկուշաբթի օրը Ղափանի բոլոր հանքերի ու պղնձագործարանների բանվորներն ընդհանուր գործադուլ հայտարարեցին։ Մոտ 2500 բանվոր դադարեցրին աշխատանքները։ «Զանգեզուրի գալառում, պղնձի հանքերի և գործարանների շրջանում սկսվեց բանվորների գործադուլը, — գրում էր ապրիլի 1-ին «Բաքու»

62 Տե՛ս ՎՍՄԷ ԿԳՊԱ, ֆ. 27, գ. 430, թ. 61։

63 Տե՛ս նույն տեղում, ֆ. 76, գ. 802, թ. 119։

64 «Бак», 1907, № 74։

թերթը, — հանքերն ամայացան, հեռախոսային կապը հանքերի և գործարանների միջև կտրված է: Բանվորները ներկայացրել էին տնտեսական պահանջներ⁶⁵:

Կազմվեց գործադուլային կոմիտե, որը ձեռնարկատերերին ներկայացրեց բանվորների պահանջները՝ բաղկացած 27 կետից: Այդ պահանջները հիմնականում հանգում էին հետեւյալին. 1. Սահմանել 8-ժամյա բանվորական օր, 2. վերացնել տուգանքները, 3. ավելացնել աշխատավարձը, այն վճարել յուրաքանչյուր շաբաթվա վերջում, 4. դադարեցնել աշխատանքները տոն օրերին, 5. ապահովել բանվորներին հիվանդանոցով և բժիշկով, 6. բացել երեկոյան դասընթացներ հայերի և ադրբեջանցիների համար, 7. աշխատանքից ազատել միայն բանվորական ներկայացուցչության միջոցով, վճարելով երեք ամսվա աշխատավարձը, 8. հիվանդության ժամանակ բանվորներին բուժել հանրատիրոջ հաշվին, 9. որպես պարգև աշխատավարձն ավելացնել յուրաքանչյուր տարի 20 տոկոսով, 10. գործադուլի օրերը հաշվել լիովին, 11. հանքերում էլեկտրական լուսավորություն անցկացնել, խոկ որտեղ այդ հնարավոր չէ. նավթի փոխարեն գործածել մոմ, 12. հանքերում սահմանել 6-ժամյա բանվորական օր և այլն:

Գործադուլի օրերին բանվորներն անընդհատ միտինգներ, ժողովներ էին անում, որտեղ ելույթ ունեցողները քաղաքական ճառեր էին արտասանում: Լուր ստանալով գործադուլի մասին, կադակների ուղեկցությամբ այնտեղ շտապեցին հանքատերերը և գավառական վարչության ներկայացուցիչները: Սկսվեցին բանակցությունները գործադուլային կոմիտեի հետ, սակայն դրանք ոչ մի արդյունքի չհասցրին: Զկարողանալով ընկճել բանվորների դիմադրությունը, գործարանատերերը վերջի վերջո զիջեցին և ընդունեցին նրանց պահանջների զիսավոր կետերը: Մարտի 29-ին գործադուլավորներն անցան աշխատանքի:

1907 թ. ապրիլին Ալեքսանդրապոլում և Երևանում տնտեսական հողի վրա գործադուլ հայտարարեցին քաղաքի հրուշակարանների վարպետներն ու բանվորները: Հուլիսի 3-ին Երևանում գործադուլ արեցին Հակոբյանի, Ալվազյանի տպարանների, Տեր-Նիկողոսյանի և Առաքելյանի կազմատների բանվորները: Նրանք ներկայացրին 15 կետից բաղկացած պահանջներ, որոնցից զիսավորները՝ 9-ժամյա աշխատանքային օր սահմանելու և աշխատավարձն ավելացնելու հարցերն էին: 1907 թ. օգոստոսի 22-ին Երևանում գործադուլ հայտարարեցին նաև ինժեներ Միրզոնիս պատկանող ձիաքարշի բանվորներն ու ծառայողները: 1907 թ. նոյեմբերին հուլումներ ակեցին Ալավերդու հանքարդյունարանական բանվորների շրջանում:

Այսպիսով, 1906—1907 թվականներին ևս, ինչպես ամբողջ երկրում, այնպես էլ Անդրկովկասում ու Հայաստանում շարունակվում էին հեղափոխական գոտեմարտերը:

6. ՌՍԴԲԿ ԲՈՒՇԵՎԻԿՅԱՆ, ԿԱԶՄԱԿԵՐՊՈՒԹՅՈՒՆՆԵՐԸ ԸԱՅԱՍՏԱՆՈՒՄ:
ԵՐԿՐՈՐԴ ՊԵՏԱԿԱՆ ԴՈՒՄԱՆ: ՀԵՂԱՓՈՒՆՈՒԹՅԱՆ ՊԱՐՏՈՒԹՅՈՒՆԸ

Տակավին XX դարի սկզբներին Հայաստանի քաղաքներում և գյուղական վայրերում հիմնադրված մարքսիստական խմբակներն ու կազմակերպություն-

65 Նույն տեղում: